


**PRESBYTERIAN CHURCH OF INDIA  
MIZORAM SYNOD**

# **HOSPITAL SUNDAY**

**HOSPITAL REPORT  
&  
THUCHAH  
2020**



## HOSPITAL REPORT - 2020

Kan Synod Damdawi In rawngbawlna chu Pathian awmpuina leh kaihhruaina avangin hma kan sawn zel a, lawmawm kan ti hle a ni. Kan Synod-in damdawi ina thawktute hlawh leh maintenance intum tura min tih angin vawiin thleng hian kan la kal ve thei zel a. Hetiang dinhmuna kan awm theihna chhan chu Kohhranhote leh thawktute inpe zo taka kan thawhhona leh tihkzeta damdawi in tana bang lova kan tawngtaina avang chauh a ni tih a lang Chiang hle a, chuvangin, Kohhranhote zawng zawng chungah lawmthu kan sawi tak meuh meuh a ni.

Hospital chanchin tlangpui chu hetiang hian han tarlang ila :-

1. Damdawi In khum awm zat : Khum 355

2. Thawktu awm zat :           A nghet    A nghet lo   An vaiin

**(i) Hospital-ah**

(a) Doctor	35	1	36
(b) Nursing Staff & Sister	136	29	165
(c) Nursing School Tutor	8	-	8
(d) Para Medical Staff	24	5	29
(e) General Staff	122	1	122
<b>Thawktu zawng zawng</b>	<b>325</b>	<b>36</b>	<b>360</b>

**(ii) Project dangah :**

(a) Christoffel Blinden Mission			2
(b) Mission for Vision (MFV)			5
(c) ICTC			4
<b>An vaiin</b>			<b>9</b>

A chungah kan ziah tel loh kan project area-ah te part-time worker leh volunteer-a thawk engemaw zat thingtlang lamah kan nei bawh a ni.

3. Specialist hrang hrang kan neih dan chu hetiang hi a ni :

1) Medicine	:	2
2) Surgery	:	1
3) OBS & Gynae ( <i>Hmeichhe lam</i> )	:	3
4) Paediatric ( <i>Naupang lam</i> )	:	2
5) Orthopaedic ( <i>Ruh lam</i> )	:	2
6) Ophthalmology ( <i>Mit lam</i> )	:	4
7) ENT ( <i>Beng, hnar leh hrawklam</i> )	:	3
8) Anaesthesiology ( <i>hnimhlum lam</i> )	:	3
9) Pathology ( <i>natna hriatlama thiam bik</i> ):	:	1
10) Blood Bank Officer	:	1
11) Microbiology	:	2
( <i>Natna hrik zawn chhuahna lam</i> )		
12) Master of Public Health	:	1
( <i>Vantlang hriselna lam</i> )		
13) HIV/AIDS	:	1

Heng bakah hian thiamna bik nei, kan damdawi inah hian kan nei tel bawh a, chungte chu :-

1) Audiologist ( <i>Ri hriatna lam</i> )	:	1
2) Physiotherapist ( <i>Taksa sawizawina</i> )	:	1
3) Dietician ( <i>Ei leh in lama mithiam</i> )	:	1
4) Project leh Damdawi In tawngkawpin		
Occupational Therapist a chhawr	:	1

**4. Super Specialist/Postgraduate Course zir mekte :**

- 1) Dr. H.D. Lalengkima, MD (Anaesthesiology)  
— 2<sup>nd</sup> year, Govt. T.D Medical College, Alappuzha, Kerala
- 2) Dr. Ruth Lalmuanpuii, d/o Vanlalruata (L) Kulikawn chu May 1, 2019 atangin Calcutta Medical College-ah MD (Pathology) a zir.
- 3) Dr. Joseph Lalhmachhuana, MD (Medicine) chuan Rabindranath Tagore International Institute of Cardiac Sciences, Kolkata-ah DNB Nephrology-ah Super Specialist a zir mek.
- 4) Dr. Carolyne Lallawmzuali chuan MD, Pathology, VMMC & SJH, New Delhi-ah kum thum chhung zir turin Ni 24.06.2020 khan a kal.
- 5) Dr. Vanlalkima, DGO chuan DNB Course, Nazareth Hospital, Shillong-ah kum hnih chhung zir turin Ni 24.06.2020 khan a kal.

**5. Postgraduate Course zir zo tawh te :**

- 1) Dr. Samuel Lalhruaitluanga, MS (ENT)

**6. Synod Sponsor-a CMC, Vellore-a MBBS zir mek te :**

- i) Benjamin Zonunsanga Zote - MBBS, Internship
- ii) Remruatpuii, MBBS - Final Yr.
- iii) Lalremruati Chawngthu, MBBS - III Yr.
- iv) Ramengmawii Khawlhing, MBBS - III Yr.
- v) Jennifer K. Lalhruaitluangi, MBBS - II Yr.
- vi) Lalrampari, MBBS - I yr.

MBBS zir tura kan sponsor-te hian an zir zawhah kum 2 chhung kan damdawi inah an rawn thawk thin a. Tunah hian hetiang bond thawk mek pakhat (1) kan nei a ni.

**7. Nursing College :**

Tuna kan Nursing School hi B.Sc Nursing zirna atana hlankai a ni tawh a, kum 2019 atangin B.Sc (N) zir tur kumtin mi 30 zel la turin hma lak zel a ni a; tin, College building pawh chak taka sak chhonzawm zel a ni.

**8. Nursing Student-te result :**

Nikum 2019-a Nursing School-a zirlaiten result tha tak neiin Mizoram pumah hetiang hi an dinhmun a ni :-

1 <sup>st</sup> Year	—	2 <sup>nd</sup> & 7 <sup>th</sup> Position
2 <sup>nd</sup> Year	—	3 <sup>rd</sup> & 9 <sup>th</sup> Position
3 <sup>rd</sup> year	—	7 <sup>th</sup> & 9 <sup>th</sup> Position

**9. Khualbuk sak :**

Synod Inkhawmpuiin a lo rel tawh angin Synod Hospital-a damlo awmpuitute tan CASA building chhuahsan chu chei that mek a ni a, mipa riahna khum 14 leh hmeichhe riahna khum 16 awmna turin ruahman a, kumin (2020) chhunga zawh fel theih kan in beisei.

**10. Partnership/Project lama hmalakna :**

- 1) **CBM (Christoffel Blinden Mission) :** Kum 1980 atanga thawkhovin vawiin thlengin Mit (eye) lam harsatna leh rualbanlohna (disability), hriatna, rilru lam leh fuke kim lohna leh a kaihnawih harsatna enkawlina project kan buaipuiho mek a ni.

Project area te thlan a ni a, School leh khawtlangah screening programme-te leh hriselna chungchang inzirtirna (awareness) neih thin a ni bawk. Khaw 20 zetah rualbanlo pawl (Disable Peoples Organisation-DPO) din a ni a, annni nen hian rualbanlo te tanpui theih dan kawng dapho thin a ni bawk. Eye Unit tan khawl tha tak tak min lei sak a, thawktu training-na te min siam sak a, hma kan sawn phah em em a ni. Kan Physiotherapy/Occupational therapy unit pawh kan thawhhona zarah a changtlung chho ve zel bawk a. Project staff 2 (Hospital) leh project worker 5 (village) an sponsor mek bawk a ni.

**2) District Blindness Control Society (DBCS), Mizoram :**

DBCS te nen hian kum 1997 atanga wawiin thleng hian mit naute paw (cataract) enkawlinaah kan thawkho a ni.

**3) Mission For Vision (MFV) :** Mission for Vision leh Synod Hospital hian kum 2014, January atangin thawhhona neih a ni a. An project hnuai staff 5-te nen hian mit lama harsatna nei zawn chhuah kawngah te, damdawi ina rawn hruai thlen leh enzui kawngah te kan thawkho mek a ni. chubakah John Williams Hospital-ah Vision Centre hawn a ni a, tah hian Optometrist 1 leh health worker 1 an thawk mek a ni.

**4) Pallium India :** Pallium India nen hian kum 2016, February atanga thawkhovin, Palliative Care Project kalpui mek a ni. Natna benvawn (Cancer, HIV etc) nei te, rilru leh taksaa na awm lo, thlamuang leh lungawia an hun tawp lam an hman theihna atana enkawlina (Palliative Care) pek kawngah kan thawkho a. Kar tin in lamah tlawh chhuah programme (home visit) te siamin inkawmna (counselling)-te neih thin a ni a, damdawi leh ei tur tha te mi inphalte zarah pek thin an ni bawk.

**11. Grace Home :**

Grace Home hi a bik takin HIV/AIDS veite enkawlina a ni a. Heta damlote hi a tam zawk chu chhungkhat laina leh in leh lo nei mumal lo te an nih thin avangin kan Synod chuan an dinhmunte hrethiamin a thlawin a thawktute nen enkawlina hi a kalpui a ni. Grace Home-ah hian damlo mi 20 vel an awm reng a, Synod Grant hian Grace Home-a damlote enkawlina leh an ei leh in te a daih loh chang a awm thin a, mi thahnemngaiten phal taka thilpek an pek thin avangin kan kal thei zel a ni. Grace Home-ah hian thawktu mi 17-in an thut chilh a ni. Grace Home tana Central KTP, Central Kohhran Hmeichhia, mimal leh pawl thahnem- ngaiten min puihna zawng zawngah lawmthu kan sawi tak meuh meuh a ni.

**12. Orthopaedic leh General Surgery lama hmasawmna :**

Orthopaedic (Ruh lam) Unit lamah hma kan sawn zel a, spinal cord (hnungzang ruh zai) chi hrang hrang bakah ruh chuktuah (replacement surgery) te pawh kan ti a, khup ruh leh khel ruh thlak te pawh kan ti thei a ni. Tin, naupang ruh lamah pawh thiamna bik nei kan nei a ni.

General Surgery lamah pawh hma kan sawn zel a, Laparoscopic surgery leh kala lungte awm zai lova a verha lak chhuah (PCNL) kan ti thei a. Tin, zunkawnga lungte awm zai lova lak chhuah (RIRS)-te pawh kan ti thei tawh a ni.

**13. Chaplaincy rawngbawlina :**

Chaplaincy rawngbawlinaah hian Chaplain 4 kan nei a, Hospital compound chhungah hian Chaplain quarters pahnih (2) kan nei a, pahnih dangte chu pawn lam atangin chhun lamah an rawn kal thin. Tuna compound chhunga awm Rev. H.C. Khaicho, Chaplain chu cancer natnain a tlak buak avangin duh angin a inhmang thei lova, Kohhranhoten kan tawngtainaah lo hre reng turin kan in ngen a ni.

Kan damdawi ina damlo awmte hi taksa natna bakah rilru lama puih ngai tak tak te an ni thin a, chung tanpui ngaite chu kan Chaplain-te hian counselling leh tawngtaina te an neihpui thin a. Heng bakah hian zai (operation) tur apiangte an tawngtai sak thin bakah mitthi an awmin tawngtaiin an thlah thin bawk a ni.

Chaplaincy Committee hmalaknain kum tin thawktute leh Nurse zirlaite pualin thupui thlan chhuah bik neiin Retreat neih thin a ni.

**14. Thilpek dawnte :**

April 2019 - March, 2020 chhunga Charity Fund kan dawn chu hetiang hi a ni.

**1) Charity Fund :**

(a) Mi thahnemngaite hnen

atanga hmuh zat : Rs. 89,46,824.00

(b) Hospital Sunday : Rs. 32,60,935.00

**Total : Rs. 1,22,07,759.00**

**2) Thilpek dang :**

Kohhran, mimal leh pawl hrang hrangte hnen atangin damdawi in mamawh, thilpek chi hrang hrang engemaw zat kan dawng reng bawk a, hei hian kan mamawh min phuhruk sak thin a, kan lawm hle a ni.

**15. Charity Fund chungchang :**

Kan Hospital hi a tir atangin Lal Isua tihdam rawngbawlna hna chhunzawma, a tha thei ang bera damlote enkawl, sakhua, pawl, chi leh vun rawng avanga inthliarna awm hauh lova natna tinrenga nate enkawlina, thiamna sang hmanga inenkawlina hmun tha, Pathian atanga hmangaihna nena damlote enkawlina atana din a nih angin nat tinrenga naten an pan a. A pantute zingah natna avanga an lungngaih bakah inenkawlina senso an neih loh avanga lungngai bawk an tam hle. Kan damlo zingah inenkawlina senso pek tur nei lo leh pe tla nghal thei lo hi thla tin mi 40-50 vel an awm thin a ni.

Heng mi mangang, tanpuina kawngah Kohhrante kan thangharh tial tial ni pawhin a lang a. Tun hnai kum 3-4 velah phei chuan mimal, pawlho leh KTP leh Kohhran Hmeichhia te an tang nasa a. Hospital Sunday thawhlawm pawh damlo tlawhna nia ngaiin thawhlawm pawhin hma a sawn ta hle. Kum kalta 2019-2020 chhunga rethei pual thawhlawm (Charity Fund) kan dawn chu a thahnem hle a. Charity Fund kan dawn atangin damlo awm man pe thei lo mi 852 ba rulh sak tawh an ni. Tin, dt. 31.3.2020 thlenga damlo awm man min la batsak zat chu Rs. 3,08,55,072/- a ni mek bawk a ni.

Damlo puala kan thilpek tlingkhawm atanga mi harsa kan tanpui naah hian nasa takin mi harsa ten an chhawr a, an lawm avangin mittui nen lawmthu an sawi thin a ni. Chuvangin retheite tan tun aia nasa lehzualin i tang zel ang u.

**16. Hmalakna dangte :**

**1) Mobile Clinic :**

April, 2019 atanga March, 2020 inkar chhungin Mobile Clinics neiin hmun hrang hrangah 15 ah kan feh chhuak a, damlo 3548 en an ni. Free Clinic nei tura Kohhrante min sawmna zawng zawngah kan kal thei lova, in mi hriatthiamna kan dil a ni.

**2) Blood Donation Camps :**

April, 2019 atanga March, 2020 chhungin Blood Donation Camp wawi 65 neih a ni. Camp kan neiha thisen kan dawn zawng zawng zat hi Unit 2305 a ni. Kohhran, KTP, YMA leh Tlawmngai pawl hrang hrang leh mimal ten a mamawhte tan thisen an pe thin a, an chungah lawmthu kan sawi a ni.

**3) Eye Unit :**

April, 2019 - March, 2020 chhungin Hospital-ah Eye Camp tum 13 neih a ni a, hetah hian mitnaute paw (Cataract) 342 zai an ni a, School screening-a en zat 3070, DR & Glucoma 13 zai an ni bawk.

#### 4) Vaccination Camps :

April, 2019 atanga March, 2020 chhungin hri danna (Vaccine) chi hrang hrang {BCG - 1156, BOPV - 4850, Pentavac (DPT,Hib & Hep.B) -2861, MMR - 1811, DT - 605, Typhoid - 1893, Chickenpox - 686, Quadrovac (DPT, Hiv)- 777, TT - 676, HPV (Chhul Cancer venna) - 21, Hep. A - 1116, Rotavirus - 1654, a vaiin Dose 18,106 lai pek chhuah a ni. Vaccine hi Hospital atang mai bakah Millennium Centre-ah te, Dr. Frasers' Clinic, Mission Veng-ah te leh Vaivakawn, Armed Veng leh College Veng Kohhran Hall-ah te hunbi neiin pek thin a ni a, kumin kumtir lam atang hripui len avangin vaccine pek hna pawh mumal taka kalpui theih a ni lo a ni.

#### 17. Dr. Fraser's leh Millennium Clinics :

Aizawl khawpui chhunga kan Damdawi in peng kan neih te - Dr. Fraser's Clinic, Mission Vengah leh Millennium Centre top floor-ah Clinics kan hawng thin a, doctor specialist, geneal medicine tih loh chu a tahtawlin an thu thin. X-ray leh investigation a theih ang ang chu a hmunah a tih zel theih a ni. Hripui leng avangin February, 2020 atangin clinic-te hi khar an ni.

#### 18. Triage siam thu :

Khawvelah Coronavirus (Covid-19) hripui leng laka kan lo invenna turin Synod Hospital pawhin kawng hrang hrangin fimkhur tak leh uluk takin hma kan la a. March 23,2020-ah Task Force din a ni a, member 20 kan awm a, Task Force chuan Hospital himna tur leh bawhzui ngai apiang relin a bawhzui a ni. Hospital pantu zawng zawngte lo endikna hmun Triage Counter, Hospital Auditorium (Lecture Hall) hluiah siam a ni a, hetah hian chhun zan zawmin duty a ni a. Triage Counter-ah hian Hospital rawn pantu zawng zawngte an chanchin chipchiar taka lo zawh thin a ni a. Pawnlam atangin damlo tlawh phal a ni lo bawh a ni. March 24, 2020 atanga June 21, 2020 thlenga lo endik (screen) zat chu 32,194 an ni. Triage counter buatsaih nan leh thil tuldang atan Synod atangin Rs. 5,00,000/- kan dawng a, kan lawm hle.

#### 19. Khawl neih tawh hman zat (April, 2019 - March, 2020) :

- 1) **Lithotripsy** : Kala lungte pawm chhut sawmna khawl. Damlo 22 khawih an ni.
- 2) **Dialysis** : Kal tha lo leh taksa chhunga tui tam lutuk, taksain a mamawh tawh loh paih chhuahna khawl a ni a. Damlo 680 enkawl an ni.
- 3) **C.T. Scan** : Taksa bung hrang hrang chiang taka en theihna khawl a ni a, damlo 2,104 en an ni.

#### 20. John Williams Hospital, Lunglei dinhmun :

John Williams Hospital (Chhim lama kan Synod Damdawi In) pawh tluang takin a kal zel a. John Williams Hospital-ah hian khum 30 a awm a, sum hmuhna lamah pawh an thawk chhuak tha hle a ni. Hetianga an kal zel theih chuan anmahni an intodelh theih hun a awm ngei ang tih beiseina sang tak kan nei. Tunah hian Surgeon pakhat fixed pay-in an chhawr mek a, an tangaipui hle a. Amaherawhchu, junior doctor thawk tur kan hmuh zawh loh avangin an indaih lo hle a ni. Dr. Zorinpuii Ralte chu NEET exam-ah a inziak tlingin, Gandhi Medical College, Secunderabad-ah MD Microbiology kum thum chhung a zir dawn a ni. Tin, Lalhmachhuana, Staff Nurse chuan Anaesthetic Assistant, Christian Fellowship Hospital, Oddanchatram, Tamil Nadu-ah a zir mek a, March, 2021-ah a zo ang.

- A. Damlo rethei tanpuina pawh an kalpui zel a, April, 2019-March, 2020 chhung hian damlo 4 (pali) tanpui nan Charity Fund atana an dawn zawng zawng Rs. 2,16,381/- atangin Rs. 53,700/- hman a ni.
- B. Covid-19 hripui leng avangin John Williams Hospital pawh Sorkar-in a ngen angin a tul huna Covid-19 hri kaite enkawl nan Intensive Care atana hman turin khum pakhat dah hran a ni a. A enkawltu bik atan Doctor pakhat leh Nurse pahnih ruahman an ni a. Security Staff pawh pahnih lak belh an ni bawh.

**C. Thawktu dinhmun :**

John Williams Hospital-ah hian anmahni remchan danin daily-te lak belhin unit tinah a tul angin an indah thin a, tuna thawktu dinhmun chu hetiang hi a ni -

1) Doctor awm zat	:	4
2) Office Assistant	:	2
3) Staff Nurse	:	18
4) Lab. Technician	:	3
5) Pharmacy staff	:	3
6) X-ray Technician	:	1
7) Medical Records	:	1
8) CSSD/Laundry	:	2
9) Multitask staff	:	1
10) Driver	:	1
11) IV Grade	:	8
12) Security Staff	:	3
13) Hospital Cook	:	3
14) Chowkider	:	1
15) Project staff	:	2
<b>An vaiin</b>	<b>:</b>	<b>53</b>

\*\*\*\*\*

## HOSPITAL SUNDAY THUCHAH

**Thupui** : **Tidamtu Isua**  
**Chhiar tur** : **Matthaia 8:16-17; 10:8**

Lal Isua Krista hi Tidamtu, Taksa, Rilru leh Thlarau ti damtu ropui ber a ni.

Khawvela a len lai khan natna tuar mi tinrengin an pan a, a lo tidam thin a ni. Ramhuai, mi kawchhunga awm te pawh a hnawhchhuah sak bawk thin. Amah chu Mihring leh Pathian anih avangin tihdam theih loh a nei lova, mite tihdam chu a chaw a ni (Johana 4:34). Chung rawngbawl hna te chu Pa Pathian tirh avanga thawk thin a ni, “Mi tirtu duhzawng tih leh a hnathawh zawh hi kan chaw a ni (Johana 10:10).

Thuthlunglui hunah chuan Pathianin a mite hmangin damlo te a tidam bawk thin. Pathian thinlunga mihringte min hmangaih zia hi Tunhma, tun, hun lo la kal zel turah pawh a awm reng dawn. Ringtute hnenah he tihdam rawngbawl na hi a hlan chhawng bawk. “Tin, heng chhinchhiahnate hian ringtute a zui zel ang, a hmingin ramhuaite an hnawt chhuak anga, damlote chungah an kut an nghat anga an dam zel ang.”

Heng hi Pathian hmangaihna a ni a, chu hmangaihna avang chuan Tidamtu Isua rawngbawl na hi i chhunzawm zel ang u. Mahse hetah hian harsatna mak tak chu a awm, kan rin ang leh beisei angin damna chu kan hmu lo fo thin tiin Lal Isuan a sawi a. Ti hian ngaihtuah ila : Pathian hmangaihna chu kan tlakchham avangin, ama min hmangaihna chu kan hriain kan pawm, mahse Petera hnena a zawh ang khan “Amah kan hmangaih tih hmuh leh hriat hi Lalpan keimahni lama a beisei a ni a, chu hmangaihnaah chuan a ni Pathian kan hnena a chen thin ni, chumi tel lova rawngbawl chu hnawl theih bik chu ni lo mahse, a chak lo a ni. Krista nena lendunna atang leh amah hmangaiha, amah kaltlanga rawngbawl na chuan rah duh awm tak a chhuah thin.

Ringtuten a rawngbawl reng chung si a kan thil chan, channa nasa tak chu Amah Krista chenpuina tel lo, mo puan a inthuum lova a ruai kil ve na hi a ni fo thin. Chuvangin a hna chhunzawm tute hian Mo puan sin chungin (chu chu Thlarau Thianghlim a thuum chu a ni) Lalpa rawngbawl na, tidamtu chanvo ropui tak chang turin, Thlaraua kan uirena silh puan hlipin he ni atang hian, a khawngaih rawngbawl na hi i thawk ang u.



(Dr LH THANGA SINGSON)  
*Secretary,*  
Synod Hospital Board.  
&  
*Director,*  
Synod Hospital.



(Rev R. LALCHANGLIANA)  
*Chairman,*  
Synod Hospital Board.  
&  
*Moderator,*  
Mizoram Presbyterian Church Synod.